



Marcus Caduff, il president dal comité d'organisaziun da la Festa da tir chantunala 2018 en Surselva.



Da nov commember d'onur da la Federaziun grischuna dal sport da tir: Hubert Toma-schett.



A Cuira duai avair lieu en sis onns l'occurrenza da tir naziunala.

FOTOS G. N. STGIER



A pled è er vegnì divisiunari Lucas Caduff.



Vegnì undrà per sias bunas prestaziuns da tir è er Tino Coccia, il quiven Sursilvan.



Yvonne Margreth (a san.), la traidubla campiunessa svizra cun l'arma da sport 10 meters tschentà.



Walter Umbrecht è sortì da la suprastanza da l'unjun tegala dals tiradurs grischuns.

Festa federala da tir 2025 a Cuira?

Federaziun grischuna dal sport da tir

DA GION NUTEGN STGIER / ANR

■ **Tema central da la radunanza da delegads è stada la votaziun da la nova lescha federala davart las armas.** La federaziun ha cun Rudolf Schwendeler in nov suprastant. Marcus Caduff e Hubert Tomaschett han retschet la commembranza d'onur da l'uniun superiura dals tiradurs. *Carl Frischknecht*, (Tumegl), il president da la Federaziun grischuna dal sport da tir (BSV), è sa mussà cuntent che 154 delegads han chattà la via a Tumegl per assister a la radunanza annuala da l'uniun tetgala dals tiradurs grischuns. Preschents a l'occurrenza eran er ils dus cussegliers guvernativs *Mario Cavigelli* e *Marcus Caduff*. Quel n'ha dentant betg represchentà la regenza, mabain è Caduff stà envidà sco president dal comité d'organisaziun da la Festa da tir chantunala 2018 en Surselva. Da la partida a la radunanza da delegads èn er stads ulteriurs represchentants da la politica regiunala, chantunala e naziunala. Per exemplu eran quai cusseglieri naziunala *Magdalena Martullo* ed ils dus cussegliers naziunals *Heinz Brand* e *Duri Campell*. Adina preschent è er divisiunari *Lucas Caduff*, el ch'ha represchentà l'armada svizra.

Success cun il sponsuradi

L'onn passà è la Federaziun grischuna dal sport da tir ida a la tschertga da sponsurs per meglierar la situaziun finanziala. Per l'uniun cun 5000 com-members e da quels 2600 tiradurs activs è la tschertga stada in success. Set sponsurs èn sa mussads fitg generus cun la

federaziun, tranter auter la Banca chantu-
nala sco sponsor principal. La fina-
mira da Frischknecht cun ses supra-
stantis è stada da manar la federaziun sin
ina basa finanziala sauna, quai ch'è
alur er reussì, er grazia al sponsuradi ge-
nerus.

Political main neutral

Er sche la suprastanza da la Federaziun grischuna dal sport da tir saja cunter las novas directivas davart la lescha federala da las armas saja l'associaziun politicumain neutrala, ha ditg Frischknecht. Ils tiradurs hajan d'esser cunter quellas directivas da l'UE e vuschar ils 19 da matg 2019 cunter quella lescha. Cunter quellas directivas da Brüssel han lura referì cusseglieria naziunala Magdalena Martullo e *Bernhard Lampert*, il president dals tiradurs veterans svizzers. Per la nova lescha federala davart las armas ha discurrì cusseglier naziunal Duri Campell. Envers el èn intgins preschents sa deportads impertinents.

Trais novs commembres d'onur

Da nov a la suprastanza da la Federaziun grischuna dal sport da tir appartegna *Rudolf Schwendeler* (Eigias-Lanquart). En quel gremi remplazza el *Walter Umbrecht* (Tavau-Glaris), l'um ch'è sa retratg suenter otg onns sco schef da la partizun furmaziun e promozion dals tiradurs giuvens. Reelegi sco schef dal sport da prestaziun è vegnì *Hubert Tomaschett* (Rabius). El ha er retschet la meritaivla commembranza d'onur da la federaziun, quai ch'è er il cas per Walter Umbrecht. Da nov commember d'onur da l'uniun tegala dals tiradurs grischuns è er *Marcus Caduff* (Morissen) cun esser stà in president fidà dal comité d'organisaziun da la Festa da tir chantunala 2018 en Surselva cun bunamain 8000 participants.

Las cundiziuns da basa en enconuschentas

Il 1985 ha g  lieu a Cuira la Festa federala da tir. Ussa duai quella pusp  avair lieu en la chapitala dal Grischun ed en auters lieus da noss chantun. Il 2025 duajan 40 000 tiradurs vegnir en noss chantun per assistir a la Festa federala da tir. Als iniziants da Cuira 2025  n las cundiziuns da basa da l'Uniun svira dals tiradurs (SSV) enconuschentas. La regenza, quella ha g  muss  intgins segns positivs da sustegnair l'occurrenza naziunala, da la quala il turissem e l'economia duessan profitar. Dal reminent, la Festa federala da tir 2020, quella ha lieu durant la stad en il chantun Lucerna. La Festa da tir chantunala 2023, quella duai avair lieu en l'Engiadina, la Val M stair, il Puschlav e la Bregaglia,  vegn  ditg uffizialmain a Tumegl.



Il bandierel chantnal dals tiradurs Norbert Vinzens.